

فيديو #٠٤٧ من مقاطع حظر التجول تدبر البقرة حلقة ١٧ الآية

١٢٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم سبعمية من مقاطع حظر التجول والحلقة الحادية والسبعون من حلقات تدبر سورة البقرة. ارجو من حضراتكم تجميعوا المصاحف وما زلنا نتدبر ايات سورة البقرة التي يبين الله فيها المناسك للمسلمين - [00:00:01](#)

ويبين فيها الحلال والحرام بعد ان تأسست دولة الاسلام واصبح من اللازم نزول تشريعات وقوانين يعيشوا بها وتحكم بينهم تبين لهم الطريق. هدى هذا الشرع شرع الله هدى اقرا معي الآية متين واحد وعشرين. احنا النهاردة هنتدبر اية واحدة وهي الآية متين واحد وعشرين - [00:00:34](#)

ولا تنكحوا المشركات حتى يؤمن ولا امة مؤمنة خير من مشركة ولو اعجبتكم ولا تنكحوا المشركين حتى يؤمنوا ولا عبد مؤمن خير من مشرك ولو اعجبكم اولئك يدعون الى النار والله يدعو الى الجنة والمغفرة باذنه - [00:01:02](#)

ويبين اياته للناس لعلهم يتذكرون الزواج في الاسلام عبادة وهو وقاية من الوقوع في الفاحشة لان ربنا سبحانه وتعالى لم يحرم شيئا يطفى شهوة الا وابطاح شيئا غيره يطفى نفس الشهوة - [00:01:34](#)

فما فيش حد هيجي عنده آآ عذر يوم القيامة ويقول اصل انا اضطريت اعمل الذنب ده عشان كنت حاسس بشهوة معينة فما فيش حاجة لأ. فيه حاجة تانية كانت حلال - [00:02:03](#)

شهوة الجماع يطفئها الزنا ويطفئها الزواج احل الله الزواج وحرم الزل. شوت جمع المال يطفئها الربا ويطفئها البيع. احل الله البيع وحرم ربا. قربنا دائما جايب بدائل للمسلمين من اهداف الزواج ايضا الانجاب - [00:02:13](#)

اقامة بيت مسلم وتربية اولاد وبنات مسلمين ومسلمات لذلك حرم الله الزواج من المشركات وحتى اباحة الزواج من الكتابيات يعني النصارى واليهود فده غير مستحب وهو تخصيص للآية دي لهذه الآية. يعني استثناء حصل بعددين في سورة المائدة وسورة المائدة من اواخر ما نزل من القرآن الكريم - [00:02:42](#)

نزلت في اخر حياة النبي عليه الصلاة والسلام نزلت الآية خمسة في سورة المائدة اليوم احل لكم الطيبات وطعام الذين اوتوا الكتاب حل لكم وطعامكم حل لهم والمحصنات من المؤمنات والمحصنات من الذين اوتوا الكتاب - [00:03:11](#)

من قبلكم والمحصنات من الذين اوتوا الكتاب من قبلكم. يعني اليهود والنصارى اللي جا له التوراة والانجيل. المحصنات منهم يعني المحترمات يعني مش الزانيات اذا اتيتموهن اجورهن الى اخر الآية - [00:03:35](#)

اذا تدفعوا المهر بتاعهم ممكن تتجوزوهم بس ده ده تخصيص الآية خصت الآية متين واحد وعشرين اللي بين ايدينا النهاردة يعني ايد خصت يعني الآية متين واحد وعشرين اية عامة - [00:03:54](#)

وهذه الآية جت خصصتها والتخصيص نوع من انواع النسخ لكنه مش بيلغي حكم ولكن بيعمل استثناء تمام هذا الاستثناء لنوع واحد من المشركات وهو الكتابيات زي ما قلنا ده مش مستحب - [00:04:10](#)

لكن ربنا اجازة لحل بعض المواقف اللي ممكن تنشأ دي اخر حياة النبي عليه الصلاة والسلام نزل سورة المائدة اجازت ده لان المسلمين خلاص هيبداوا يسافروا ويخرجوا في الجهاد الى الشام والعراق وفرنس ودي بلاد شعوبها معظمها - [00:04:28](#)

نصارى يعني عشان تبقوا عارفين البحر المتوسط اسمه البحر المتوسط لانه بحيرة في وسط الدولة المسيحية الكبيرة الدولة الرومانية كان بحيرة بتتوسط هذا الشركة عشان كده سمي بمديتيرنيا البحر المتوسط بحيرة بتتوسط الدولة - [00:04:43](#)

الدولة كبيرة جدا دولة مسيحية طبعاً فهيحصل ان بعض الجنود هيشوفوا نساء غير مسلمات هيجبوا يتجوزوهم وما فيش مسلمات في المنطقة هيبقوا عايزين يجوزوه فالاسلام دين عملي. بيبين الحلال والحرام والمستحب والغير مستحب. ولكنه ترك مساحة لحل المشكلات اللي ممكن تنشأ اذا حصل - [00:05:03](#)

تعلق شديد بين جندي من جنودنا وامرأة غير مسلمة مشركات اللي بيعبدوا الاصنام واللي بيعبدوا النار واللي بيعبدوا البقر دول ما تفكروش فيهم خالص. دول لأ دول مش وارد اطلاقاً الزواج منهم. المشركات الكتابيات - [00:05:29](#)

في مساحة صغيرة من الاتفاق معهم فيجوز الزواج منهم لكنه يعني غير مستحب ودي مش عنصرية يعني ضد الاديان الاخرى ولا اضطهاد ولا حاجة خالص بالعكس ده لصالح المجتمع. انا دلوقتي عندي مجتمع فيه مسلمين وفيه مسيحيين وفيه يهود وفيه مشركين فيه كل حاجة - [00:05:44](#)

الاسرة هي اللبنة بتاعة هي الوحدة اللي بيتكون منها بناء المجتمع ده. هي الطوبة اللي بيتبني بها المجتمع الاسرة فاحنا الشريعة الاسلامية تريد مجتمع قوي كل لبناته قوية فلو مجتمع اسره قوية هيبقى زي المبنى اللي مبني بنوع طوب جيد - [00:06:03](#)

لبنات قوية. ولو مجتمع اسره فاسدة وهشة هيبقى زي ما يكون بناء مبني بطوب مغشوش البيت اللي الاب فيه من دين والام من دين اخر مش هيعيش في سلام الا لو نحو الدينين جانباً - [00:06:31](#)

وبالتالي الاسرة عشان تستطيع تتعايش مع بعضها هتبقى اسرة علمانية جدا لا مكان للدين فيها ما فيش كلام في الدين خالص. ما فيش بقى حاجة اسمها بابا بيصلي بنا انا وماما. ما فيش الكلام ده خلاص. صلي انا وماما مين؟ ماما مش ماما في حنة تانية خالص - [00:06:49](#)

هيبقى بيت ماسخ لا وجود للدين فيه لذلك الشريعة الاسلامية ترى ان من مصلحة المجتمع ان كل مسلم يتجوز مسلمة وكل مسيحي يتجوز مسيحية وكل يهودي يتجوز يهودية. الله! عشان تبقى اسر المجتمع - [00:07:08](#)

كله قوية ومش مفككة ده بيبقوا الزوجين من نفس الدين وبتحصل مشاكل بينهم ومن اول سنة بيتطلقوا باختلاف الثقافة بس. اختلاف الثقافة امال لما تبقى الاديان نفسها مختلفة فتتزل هذه الاية تمنع الزواج من المشركات. ولا تنكحوا المشركات حتى يؤمن - [00:07:22](#)

لا امة مؤمنة خير من مشركة ولو اعجبتمكم. الامة يعني المملوكة الذكر اسمه عبد. المرأة اسمها امة ما اسمهاش عبدة دلوقتي ما فيش عبيد. فالاحكام بتاعة العبيد والايماء ما بقيناش نعرف عنها كتير لان ما فيش اهتمام بها. لعدم الحاجة اليها دلوقتي خلاص - [00:07:48](#)

لكن اللي يدرسها يجد ان هدف التشريعات الاساسي اللي كانت تخص العبيد هو تحرير العبيد مثلاً المسلم لا يجوز له ان يتزوج من امته اللي بيملكها ايه رأيكم بقى؟ ده اجماع المذاهب - [00:08:12](#)

لو عاوز يتزوج امة يتزوج انا مملوكة لشخص اخر ليه؟ لان في تعارض مصالح. ما ينفعش يبقى هو المالك يعني هو الولي بتاعها وفي نفس الوقت هو زوجها. لا ما ينفعش. في تضارب مصالح. مين اللي هيتفق معه على - [00:08:33](#)

هيتفق مع نفسه هيضحك عليها مين اللي هيقف له لما يسيء معاملتها ولا يضربها؟ هيتخانق مع نفسه يعني؟ لأ فانتهم واخدين بالكم من مسألة تضارب المصالح الحقة القانونية دي دقيقة جدا في الشريعة الاسلامية. الشريعة الاسلامية تقرباً زي اي شريعة - [00:08:48](#)

الا في فرق واحد انها لا يوجد فيها اي مجال للخطأ ولا للزلم. انتهى الامر ايه الحكمة بقى كمان من انه ما يتجوزش القمى اللي بيملكها. ويتزوج من امة مملوكا لشخص اخر - [00:09:07](#)

لو واحد اراد يتزوج امته يعني واحد عنده امة ويريد ان يتزوجها الصلاة والسلام على فكرة كان عنده ريحانة كيهودية عرض عليها انه يعتقها حتى يتزوجها بشرط تسلم النبي مش هيتجوز واحدة مش مسلمة استحالة - [00:09:26](#)

وما حصلش اطلاقا ماريما القبطية مسلمة. ماريما القبطية اصلا الروسية. يعني اصلا كانت تقول لا اله الا الله عيسى رسول الله. ما كانتش اصلا مشركة اه اه اه ريحانة عرض عليها انه يعتقها ويتزوجها فابت. خلاص - [00:09:47](#)

لكن اذا واحد عنده امل ويريد ان ينكحها يعني يتزوجها يعقد عليها. لابد انه يعتقها عشان يتزوجها. يبقى ده هيبقى دافع لتحرير الاماء ادي اول حاجة ثانيا اذا واحد واحد ما عهوش فلوس ما هو اللي بيتجوز ابا بيتجوز امل ايه؟ عشان ما عهوش فلوس مش قادر يدفع مهر بقى بتاع اليومين دول - [00:10:08](#)

ويروح بقى يجيب شبكة من عند مش عارف مايكل ايه وبتاع لا لا ما فيش الكلام ده. طب هيعمل ايه يروح يتجوز امل ما يعني هيبقى يروح يقابل المالك بتاعها - [00:10:32](#)

ويقول انا عايز اتجوز والولد ده يا ابن الحلال بنتنا دية مش عارف ايه وبتاع دايمما عادة على فكرة المالك بتاع العبيد بيبقى آا العرب كانت تضرب به المثل في الحنان يقول لك هو احن من الاب على ابنه ومن السيد على عبده - [00:10:44](#)

كمان يعني يعني مش الشكل اللي بنشوفه بتاع الكفار وهم بيعزبوا لان ما كانش الموضوع ده يعني ده بس حصل عشان الناس اللي اسلمت ولكن الطبيعي في الثقافة العربية نفسها ان السيد كان بيبقى كويس جدا مع العميل بتاعه. لكن عموما - [00:11:01](#)

هيوح يتزوج من امة مملوكة لرجل اخر خلاص هيتجوزها لكن مش هيبقى مش هيبقى سعيد. ولا مستريح في حياته هو شايف زوجته كل يوم بتنزل من البيت الصبح بدري قبل الفجر عشان تروح تخدم في بيت راجل اخر او - [00:11:16](#)

تشتغل في الحظيرة بتاعته او في المزرعة بتاعته وهي مملوكة له. فده بيصبح دافع للزوج حتى لو كان فقير انه يدبر المال ويشترى حرية زوجته مش يشتري زوجته وما يقدرش يشتري زوجته - [00:11:29](#)

لكن الزوجة تكاتب واحنا خدنا في صورة النور ان العبد او الامة يستطيع ان هو يطلب الكتاب يكاتب يعني يطلب ورقة من بتاعه ممضي عليها بيقول له انت تمنك الف دولار. خلص الموضوع ما يقدرش يرجع في كلامه - [00:11:43](#)

بالتالي يقدر كل ما كل عبد من العبيد دول او امة في ايده ورقة بتقول هو تمنه كم الزوج بقى يروح يدبر بقى هيلم التبرعات هيسلف هيسغل جامد هيسغل شغلتين لكن هيسغل حرية زوجته - [00:12:00](#)

ادي ده كمان دافع او ده كمان سبب اخر لتحرير العبيد. فتجد دايمما الشريعة الاسلامية بتحرر دار العبيد بنتجه نحو تحريم ما فيش عقوبة واحدة في الدين ان الانسان يبقى عبد - [00:12:18](#)

خالص معظم الكفارات ان انت فطرت في رمضان رح اشتري عبد واعتقه. آآ آآ حلفت آآ كزبه عايز تكفر عن يمينك آآ مش كذب يعني حلفت غلطه وعايز تكفر عن نبيك تروح تشتري عبده وتعتقه - [00:12:38](#)

خبطت واحد بعريبتك ومات اشتري عبده واعتقه. ايه كل حاجة يشتري عبده واعتقه اشتري كارتة! ابوة. ما هو الشريعة الاسلامية تريد تحرير الناس ولا تنكحوا الشركات حتى يؤمنوا. ولامة مؤمنة خير من مشركة ولو اعجبتمكم. عشان نفهم معنى الاية دي يا جماعة - [00:12:57](#)

يعني ايه الامل مؤمنة احسن من المشركة يعني. يعني للحررة المشركة لازم نفهم يعني مجتمع الاماء كان عامل ازاي. مجتمع الاماء اقل اجتماعيا وثقافيا واخلاقيا من مجتمع الاحرار وان كان طبعا حصل ان من العبيد - [00:13:15](#)

الزهر العبيد والاماء زهر فلتات علمية وورع وتدين لكن ده ما كانش الطبيعي فلما ربنا يقول ولا تنكحوا الشركات يقصد الحرائر الشركات حتى يؤمنوا ولامة مؤمنة خير من مشركة ولو اعجبتمكم. يعني تتزوج مؤمنة اقل منك اجتماعيا وثقافيا ودينيا - [00:13:33](#)

احسن ميت مرة من انك تتزوج حرة غنية آآ فيها كل حاجة ومعها دكتوراه بس مشركة لا اتزوج ابي ولا تجوز اللي معها دكتوراه مدام مشركة طبعا هنا بعض المفسرين قالوا كلمة مشركات لا تشمل المسيحيين واليهود - [00:13:55](#)

وربنا سماهم اهل الكتاب لكن في الحقيقة لأ. مش يعني يعني اعتقد خانهم التوفيق في ده. وانا مع الرأي ان المشركين من يهود ونصارى والاية دي لما نزلت حرمت الزواج من اليهود والنصارى كمان - [00:14:15](#)

كمان من اليهوديات والنصرانيات كمان لغاية في الآخر لما نزلت اية المائدة استثنت اليهوديات والنصرانيات. وعلى فكرة هو وصفه بالشرك في عدة مواضع يعني مسلا في سورة المائدة اتنين وسبعين. وصفوا بالشرك اهو - [00:14:30](#)

وآآ لقد كفر الذين قالوا ان الله هو المسيح ابن مريم. وقال المسيح يا بني اسرائيل اعبدوا الله ربي ورباكم. انه من تشرك بالله من يشرك بالله بيحزروهم ان هم يستمروا على الشرك - [00:14:46](#)

فقد حرم الله عليه الجنة ومأواه النار وما للظالمين من انصار. هم ولكن ربنا جعل لهم وضع خاص يعني هم كافرين ومشركين بس من اصل طيب اهل كتاب ما هماش زي اللي بيعبدوا البقر يعني - [00:15:01](#)

كتابهم من عند الله وان كان حصل فيه تحريف كتبهم دي من ضمن كتب الله وكتب الاسلام اصلا ولكن حصل فيها تحريف. عندنا القرآن يصحح لنا اي مفاهيم غلط. خلاص - [00:15:19](#)

يبقى ربنا ربنا حفظ الذكر اللي نستفيده هنا ايه بقى؟ كان واحد بيقرأ بتدبر الموضوعية الفطرية بتاعة القرآن مش ممكن القرآن ما بيعممش خالص كده الناس مش كلها زي بعض - [00:15:32](#)

وقلنا امبارح القرآن بيربيننا على الموضوعية. بيقول لنا الدنيا مش ابيض واسود بس. فيه الوان تانية كتير. ومش صح وغلط بس. ومش حلال وحرام بس. لا ده فيه مكروه ومستحب وجائز - [00:15:48](#)

وكبائر وصغائر فالدنيا عشان انا كتير اوي الناس بتتكلم بتقول ايه طيب يعني حضرتك آآ يعني اللي يعمل كده يبقى هيخش النار خلاص! انا ما اعرفش انا ما عيش القائمة بتاعة الاسماء. انت ليه بتسألني مين هيخش النار - [00:15:58](#)

وبعدين حضرتك طب يعني اللي يعمل كده يبقى كويس ولا وحش؟ ما فيش حاجة اسمها كويس ووحشة يعني يعني احنا عايزين نكبر شوية بمخنا لان القرآن نفسه بيخلي العقل ينضج - [00:16:12](#)

مش معقول احنا هو احنا مش بنلعب عسكر وحرامية! يا عسكر يا حرامية! مش معقول ممكن يبقوا الاتنين يعني. المهم. ولا تنكحوا المشركات حتى يؤمنوا. ولامة مؤمنة خير من مشركة ولو اعجبتكم - [00:16:24](#)

ولو اعجبتكم دي كلمة خطيرة جدا. بتزبط الموازين بتزبط يعني ايه خير من مشركة ولو اعجبتكم وهو هيعجبه فيها ايه؟ ما هو الشعر الاصفر وعيونه الزرقاء، ما خلينا نتكلم بصراحة بقى - [00:16:40](#)

لا يا حبيبي انت بتتزوج ام لاولادك هي دي اللي هتربي وانت في الشغل. هتربي ولادك. هتربي بناتك. هتربيهم على ايه على المبادئ الاسلامية والاخلاق الاسلامية ازاي وهي مش مسلمة - [00:16:57](#)

لأروح اتجوز انا احسن الف مرة فالكلمات بتاعة الاية بتزبط المعايير. بتزبط المعايير. ولو اعجبتكم طب ما احنا فاهمين كويس. ولو اعجبتكم معناه ايه يبقى واضح بقى ان الاسلام رجح الدين على المستوى الاجتماعي والعلمي والثقافي والجمالي وعارفين كلنا الاية او الحديث الشريف تنكح - [00:17:11](#)

المرأة لاربعة اه لمالها وجمالها وحسبها ولدينها. فاظفر بذات الدين تربت يداك. او كما قال لو انا غلطت يعني في ايه؟ في كلمات الحديث تنكح المرأة لاربعة الرسول عليه الصلاة والسلام مش بيقول لنا ننكح للاربعة دول لأ بيقول لك هي دي كل الاسباب اللي ممكن واحدة تتجوز عشانها - [00:17:35](#)

ما فيش حد بيتزوج الا عشان سبب من دول هو بقى بينصح بايه؟ بذات الدين والله ده الدين وجميلة فل. حلو اوي. ذات دين وغني برضو كويس. ده الدين وبتنحسب وبتاع كويس لكن لازم يكون زي الدين - [00:17:58](#)

ان شا الله تبقى امة خلاص اظن واضح الكلام بيقى واضح ان الزوجات دول دول امهات المؤمنين بتوع الاجيال القادمة. مش امهات المؤمنين هم يعني زاوية الخصوص الاسلام لأ. امهات المؤمنين يعني - [00:18:15](#)

الاجيال القادمة بدور مؤمنين ده وضع كبير جدا دول وضعهم مهم جدا. حافظ ابراهيم بيقول الام مدرسة اذا اعدتھا حط شرط اعدت شعبا طيب الاعراق الام روض ان تعهده الحياء يعني. بري اوراق ايما اوراق. يعني لو لو الحياة - [00:18:29](#)

تعهد الام دية هيبقى زي الماية اللي بتنزل على النبات فيورق يطلع ورق ورق حلو كتير والورق لما يكثر النبات بيكبر اكثر لان الورق

ده بطارية بتمتص الشمس عشان نخش في الزراعة دلوقتي. الامي شغلت مآثرهم مدى الافات - [00:18:52](#)

يعني المهم انت دايمًا ركز وانت بتتزوج حتى لو انت عندك تمتاشر تسعتاشر سنة عشرين سنة خمسة وعشرين سنة مش كل حاجة الجمال انت بتختار ام لعيالك عاوز اقول لكم انه - [00:19:13](#)

الزواج من الامة عند كثير من العلماء غير جائز. ايه رأيكم بقى الا لو الانسان فقير يعني مش قادر على مهر الحرة فيضطر يتزوج امل انه مش هيدفع كثير وبقوا علماء اخرين عندهم مكروه. طب ليه الاسلام حرم - [00:19:28](#)

على رأي بعض العلماء وكره على علماء اخرين ان الراجل يتزوج من امة. لان الامة مملوكة واولادها هيصبحوا عبيد لرجل اخر. ما هو الملك بتاعها الزورية بتاعتي هعمل لكم. والاسلام دايمًا يسعى لتقليل عدد العبيد وتكثير عدد الاحرار - [00:19:46](#)

الاسلام يسعى الى ان يتحرر الناس كلهم. ها طب وليه ما حررش العبيد كلهم وخلصنا مش دي دي شورة كبيرة جدا من اكبر الشبهات ما انتم يعني بالتدريج تم تحريم الخمر - [00:20:05](#)

ليه مش بالتدريج تم تحرير العبيد وبالتدريج بس قبل ما يموت النبي عليه الصلاة والسلام يكون كله اتحرر وممنوع حد يا ايه يا يا بيستعبد ثاني دي بقى حلقة موجودة عملت لها شير النهاردة على صفحتي وعلى تويتر - [00:20:18](#)

لكن الخلاصة ان ربنا لم يمنع الرق نهائيًا علشان انت اللي تمنعه يا استاز ربنا اراد ان الامر ياتي من داخل الانسان بحيس يصبح رغبة عند الانسان انه يحرر اخوه الانسان مش انه يستعبده - [00:20:36](#)

ربنا حرم علينا الخمر فاحنا كثير منّا ممكن يتوق انه يشرب خمر بس ما بيشربهاش عشان بيتقي الله ربنا لا يريدك انك تتوق انك انك تستعبد انسان. لا لا لا - [00:20:52](#)

ربنا يريد ان ده مش يبقى يبقى حاجة مزروعة جواك ورغبة جواك لما تشوف فيها الشريعة الاسلامية دايمًا بتحاول تحرر تحرر تحرر فانت ماشي في نفس الاتجاه بتاع الشريعة الاسلامية. فانت كمان تحاول لغاية ما انت نفسك تنهي الرق. اقول لكم على حاجة.

اول دولة منعت الرق ايه؟ ناس كثير يقول لك امريكا غلط - [00:21:04](#)

قبل امريكا تونس منعت الرق. ايه رأيكم بقى؟ اول دولة منعت الرق تونس وبعدها امريكا كمل الاية. وكان علماء الزيتونة لهم دور في في المسألة دي الباي ياما هو اللي منعه. طيب - [00:21:23](#)

كمل الاية بقى. ولا تنكحوا المشركين حتى يؤمنوا. والعبد مؤمن خير من مشرك ولو اعجبكم الجزء الاول من الاية كلم الرجال وقال لهم ما تتزوجوش الا مؤمنات ولا تنكحوا المشركات يبقى بيكلهم رجال - [00:21:37](#)

طب الجزء الثاني انا متوقع يكلهم الستات بقى يقول لهم ايه؟ ولا تنكحن المشركين. لأ برضه ما اكلمش النساء. برضو كلم الرجال وقال لهم ما تجوزوش بناتكم الا من رجالة مؤمنين - [00:22:01](#)

بالرغم ان المرأة رأيها اساسي في اتمام الزواج. المرأة لو مش موافقة على الزواج الزواج باطل ما ينفعش خلاص ولا يجوز انها تزوج الا بموافقتها الا انه يجب وجود ولي لها ذكر رجل في الزواج - [00:22:17](#)

حتى ابو حنيفة اللي اجاز ان المرأة تزوج نفسها اجاز ده فقط في حالة الثيب. يعني ارملة او متألقة. ليه لان عندها خبرة بكيد الرجال اصل احنا اتبرمجنا ان ان في حاجة اسمها كيد النساء. لا ما فيش حاجة اسمها كيد النساء - [00:22:34](#)

ان كيدهن عظيم. ما فيش حاجة اسمها كده لا انت حضرتك بتخالف القرآن ما فيش في القرآن حاجة بتقول كده امال ايه القرآن بيقول في سورة يوسف ان كيدكن عظيم مش ان كيدهن عظيم. واللي قال الكلمة دي واحد كافر - [00:22:54](#)

ها هتتفقوا معي هيتفق عايز تختلف اختلف لكن ده مش رأي الاسلام في النساء خالص بالعكس ده معزم الاحكام الخاصة بالنساء لحماية النساء من كيد الرجال ما هو اللي عامل نفسه بيحب ده وهيمان قوي ولغاية ما يوصل للي هو عايزه - [00:23:11](#)

وبعد كده اقل الموبائل وما يردش ما ده الراجل راجل احنا شايفين البلاوي اللي بتحصل البنت اللي ما اتجوزتش قبل كده هتتخدع بسهولة فلزام العريس اللي جاي يتجوز بقية المزاheb حتى تسبب. لازم يكون لها راجل قاعد في الجوازة دي - [00:23:31](#)

العريس اللي جاي يتجوز ده يروح يقعد مع راجل ويحط ايده في ايد راجل. ويتفق كل الاتفاقات مع راجل. اسمعي كلامي. لا تنحي

وليك على جنب. والا هتترن علة كل يوم - [00:23:51](#)

انا ما بهزرش لازم الرجل اللي جاي يشوف راجل واقف قدامه ويكون ملوي هدومه كده عشان لما يزلملك او يمد ايده عليك يكون فيه حد واقف له او يخلي باله وما يتجرأش عليك - [00:24:06](#)

ربنا منع الزواج بقى زواج المسلمات من المشركين طيب هل حصل استثناء في حالة العريس المسيحي او اليهودي؟ لأ لأ طب ليه؟ طب ده مش تفرقة بين الرجل والمرأة؟ اه تفرقة بين الرجل والمرأة لصالح المرأة - [00:24:23](#)

ليه في الرجل المسلم يقدر يتجوز مسلمة او يهودية او مسحتش يا سيدي براحتهم ياكلوا حلاوة ياكلوا جاتو ياكلوا كل اللي يحبوه انما المرأة المسلمة لأ. ما عندهاش غير المسلم بس. لا افهمي بقى. مفتاح فهم الشبهات اللي عن - [00:24:38](#)

مرأة هو البحث عن عامل الحماية. مش المنع يا فندم كل الشبهات اللي حول المرأة عايز تحلها وتجبب الاجابة فكر الحماية فين ربنا بيحميها المسألة مش مسألة منع بقدر ما هي حفظ للمرأة. انت مؤمنة بالمسيح وبموسى عليهم الصلاة والسلام - [00:24:55](#)

وبكتاب ربنا اللي اسمه الانجيل وبكتاب ربنا اللي اسمه التوراة اه في تحريف لكن برضه مؤمنة دول كتب محترمة دي كتب ربنا لكن هو مؤمن بان سيدنا محمد عليه الصلاة والسلام كذاب - [00:25:18](#)

وان هو اللي قال في القرآن في اول خنافة هيقول لك يلا يا كزا يا كزا لان انت معترفة بكتابه وبرسوله وهو مش معترف بك ولا بدينك اصلا انت مين - [00:25:31](#)

فلما لما يعترف برسولك وبكتابك يبقى ياخذك لما يحترمك ياخذك سانبا الجواز الزواج فيه واجبات. واشياء تجوز واشياء حرام لا تجوز نفرض طلب منك شئ حرام هنعمل ايه ساعتها؟ لو زوج مسلم هو اللي اساء ما بقولش للرجالة المسلمين زي الفل ابداء. فيه

رجالة مسلمين كتير جدا عايزين ضرب البتاع - [00:25:45](#)

لكن لنا سلطة عليهم تقدرني تجيبني لي جوزك وتقدي كده وتقولي لي الحق بيقول لي كزا وعاييزني اعمل كزا يا اخي ما عندكش دين. انت انت مش مسلم ولا ايه - [00:26:15](#)

يعني حتى بقى ما عنديش عليه سلطة زي سلطة الحكومة لكن انا على الاقل لي سلطة ادبية هتجيبني لي واحد مسيحي اعمل له ايه ما هي ثقافته ولا هو دينه وعنده الحاجات دي حلال. خلاص اعمل لك ايه؟ ما تشتكيش بقى - [00:26:27](#)

لسه عندي انا الحالة دي كانت عندي من اسبوع. واحدة جايبة لي جوزها وهي بتشتكي لي من ايه وطلع ان هو اصلا مش مسلم ولا حاجة. وآأ اعمل لك ايه - [00:26:44](#)

وجوز ايه دي مش متجوزة اصلا طيب اقرا بقى باقي الاية اولئك يدعون الى النار والله يدعو الى الجنة والمغفرة باذنه. ويبين اياته لعلهم يتذكرون يا جماعة المرء على دين خليله. الخليل هو الانسان القريب جدا منك - [00:26:57](#)

صديقك لانه يا اما هياخذك للتقوى يا اما هياخذك للمعصية بس ممكن الخليل مش بس يبقى الصديق المقرب ممكن يبقى الزوج او الزوجة الشخص المقرب او خليلك حتى بيسموها خليفة يعني الخليل حد مقرب - [00:27:22](#)

منك. فعادة الزوج او الزوجة ده يعتبر خليل يعني. فبالتالي هؤلاء الأزواج والزوجات المشركين فيدعو اولادك للنار. ادي اول حاجة. مش هيغرسوا فيهم ابداء القيم الاسلامية. انسى. هيدعوك انت نفسك للنار - [00:27:38](#)

زوجتك على الاقل هتقول لك اترك الجهاد هتقاتل قومي ترضى تقاتل قومي تروح تقاتل حماك وآأ وخلال العيال هتقول لك بص هقول لك على حاجة. انا بحترم دينكم جدا وعاجبني فيه حاجات كتيرة بس موضوع الجهاد ده مش قادر افهمه - [00:27:53](#)

هتسبنا لمين الموضوع ده مش مرآة. هتثبتك اولئك يدعون الى النار. والله يدعو الى الجنة والمغفرة باذنه. يعني ايه باذنه يعني باذن الله يوفقك لتعمل العمل اللي تنال به المغفرة وتنال به الجنة - [00:28:12](#)

بس انت اسمع الكلام مش تروح تختار غلط وتيجي تقول انا عايش حياة مش عارف ربنا بيعمل فيا كده ليه وربنا اللي عمل فيك؟ ولا انت اللي عملت في نفسك؟ - [00:28:33](#)

قال لك اختار ذات الدين تربت يدك ويبين اياته للناس لعلهم يتذكرون خليكم فاكرين مهما بيحصل مشاكل ان انتم ما مشتوش على

منهج ربنا. واللي عليهم يتذكرون العهد اللي بينهم وبين ربنا - [00:28:41](#)

أنهم يطيعوا وانهم يعبدوه. ونتوقف هنا الليلة ومن بكرة باذن الله موعدا حسب ما اعلنا امبارح. انا اسف على اللي حصل النهاردة

بس انا جا لي زرف جدا تسعة ونص بكرة بتوقيت القاهرة - [00:28:55](#)

ووسط اوروبا روما وباريس وكده وميلانو عشان علاء عشرة ونص بتوقيت مكة المكرمة والقدس عاصمة فلسطين واسطنبول تمانية

ونص بتوقيت لندن هنا والجزائر وتونس والبلاد اللي هي على نفس خط الطول - [00:29:10](#)

اللهم انا نسألك حبك وحب من يحبك وحب كل عمل يقربنا الى حبك. اللهم ما رزقتنا ما نحب فاجعله قوة لنا فيما تحب. وما زويت

عنا مما نحب فاجعله فراغا لنا فيما تحب. اللهم اجعل حبك احب اليك - [00:29:29](#)

من اهلينا واموالنا ومن الماء البارد على الظلماً اللهم حبيبنا اليك والى ملائكتك وانبيائك ورسلك وعبادك الصالحين واجعلنا ممن يحبك

ويحب ملائكتك وانبيائك ورسلك وعبادك الصالحين اللهم احبي قلوبنا بحبك. واجعلنا لك كما تحب. اللهم اجعلنا نحبك بكل قلوبنا.

ونرضيك بكل - [00:29:49](#)

في اجسادنا اللهم اجعل حبنا كله لك وسعينا كله في مرضاتك. اللهم اجعل القرآن الكريم قلوبنا ونور صدورنا وجلاء احزاننا وذهاب

همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتي وحسناتكم جميعا - [00:30:20](#)

اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون فبحق كل حرف في كتابك تلونه

او تدبرناه. ايد بنصرك المرابطين في الارض المباركة فلسطين. وكن مع اخواننا - [00:30:45](#)

في تركستان الشرقية وفي كشمير وفي الهند وفي الشام وانصر كل من نصرهم واخذل كل من خذلهم. وظهر المسجد الاقصى من

الدنس فانهم لا يعجزونك واكتب لنا ختم القرآن فيه. اللهم من قضى منا بالبوء المنتشر فاكتبها له شهادة. ومن - [00:31:04](#)

كان منا او من احبابنا او من اخواننا او من اخواتنا او من مشايخنا مريضا به او حاملا له فالبسه ثوب الصحة والعافية عاجلا غير اجل

ومن لم يصب به فقه شره وابعده عنه ولا تسلطه الا على اعدائك واعداء دينك واعدائك - [00:31:24](#)

اوليائك. اللهم انك تعلم ان هذه القلوب قد اجتمعت على كتابك وعلى محبتك. والتقت يا رب انا على طاعتك وتوحدت على دعوتك

وتعاهدت على نصره شريعتك. فوثق اللهم رابطتها وادم - [00:31:44](#)

واهدا سبلها واملاها بنورك الذي لا يخبو. واشرح صدورها بفيض الايمان بك وجميل التوكل عليك. واحيها ايا ربنا بمعرفتك. وامتنا يا

مولانا على الشهادة في سبيلك. انك نعم المولى ونعم النصير - [00:32:04](#)

وصل اللهم وسلم على محمد وعلى اله وصحبه ومن تبع هداه. والسلام عليكم ورحمة الله وبركاته. ونراكم غدا باذن الله في نفس في

هذا الموعد ان كنا من اهل الدنيا. مش في نفس هذا الموعد انا اسف. ساعتين بعد هذا الموعد. معلى - [00:32:24](#)

السلام عليكم - [00:32:41](#)